

Jova consolo, lo signor ammirajo mandò a dir a lo ditto consolo dovesse ordinar a tutti li christiani dovessero tenir le loro arme apresso; et che se in li navilii erano arme, le dovessero meter in terra per potersene servir se fusse de bisogno; la qual cosa ne messe qualche teror. E lo consolo mandò lo suo turzimano a lo dito ammirajo per intender la causa de tale ordinatione; et mandoli a dir lo faceva per dubito de li arabi et sperava non dovesse esser male.

- 13 *Copia de una letera di sier Hironimo da Canal capitano di le galie di Alexandria, date a le Saline in Cypro, a dì 2 Zener 1516, et ricevuta a dì 3 Marzo 1517.*

*Serenissime Princeps et Domine, Domine observandissime.*

Dio el sa con quanto cordoglio scrivo le presente a Vostra Serenità, mediante il caso successo de la povera mia conserva, la qual, *reverenter loquendo*, è più presto manchà per fiacheza di navilio che per la massa fortuna, et *etiam* dirò questo, non gran valitudine di capi. Sappi Vostra Serenità, io mi partì dal Cao Salamon de l'isola di Candia a dì 19 con el più bel tempo et piasevole che dir se potesse a segno de ponente maistro, et navichai fina a dì 21, che ogni picolissimo vasello aia potuto pasar; et per il navichar mio et de questi capi marinari, se ritrovavemo aver fato de le tre parte le dua de pasazo. A vespero, el ditto zorno, el vento tirò a ponente garbin et poi a garbin fermo. Forzando alquanto, a hore 22 la conserva mi si acostò et fezemi intender la se aveva risentito de aqua. Li fiei risponder per il mio ammirajo, che la pozase. Cussi insieme tutti due pozasemo et mainasemo. Et a sol a monte, el mar comenzò a ingrossar, et fessemo i trincheti per non aver tanto tormento, et cussi coressemo. A meza note, la conserva monstrò signal de far cochina, et cussi li rispondesemo che Dio volesse che essa facto l'avesse, che l'haveria corso et non haveria sentito tanto el mar, et li homeni non strapazati de esso se averiano ajutato a seco. Et cussi vedendo el suo soto fanò fino quasi a hore 10, el qual non andava molto avanti, judichasemo essa non aver fato vela, et ancor nui non la fazesemo. *Tandem*, a hore 10, vedesemo in un atimo e non vedesemo el fuoco, e apresso de la nostra galia fu visto alcune cose, judichasemo esser de la sua coverta, et deliberai star fina zorno, ancor che 'l star cussi con i trincheti per la fiacheza di la galia ne havemo patito et molasemo aqua, non però de gran momento. Et la matina, io fezi var-

dar da una et l'altra parte: nulla vedesemo. Avendo se fermato el tempo a segno de ponente garbin, fessimo el papafigo, con el qual coresemo verso l'ixola di Cypro, dove a dì 23 a Limissò arivasemo; dove, per haver spudato la galia le stope tra due aque, non zà per defetto di l'exercitio di calafao, ma perchè galie erano vechie et non reinfortito de dentro in mestier de marangon. Per mia opinion, Principe Serenissimo, la conserva però è persa, et io ho patito, perchè Vostra Serenità pensa questi navilii son molto longi, et quando non sono refortificati dentro de legname non poleno tegnir le stope per esser vechie, et se pono dir, piuttosto un fasso di legname cha galie, et Vostra Serenità toglia la experientia di la galia di pelegriani quando che l'è stà vechia loro hanno fortificato dentro via, altramente de quello se fa le galie de la Serenità Vostra. La Serenità Vostra me haverà escusà se io ho dito tanto, perchè io son debitor de farlo, et perchè Vostra Serenità cognoscha el manchamento esser stato di legni, Vostra Serenità sapia che di nostra conserva si ha trovato una naveta carga de ogii et uno schierazo, qual non era di bote 60, et *etiam* la barea di la povera conserva, la qual scapoloe essendo stà zorni 8 in mar con zercha homeni 40, qual zonti in terra son morti più di la mità. Ben qui se diceva, cui li hanno visti et a loro hanno parlato, el consolo, patron, alcuni nobeli et paron Stefano de Lustiza, qual era penese, esser scapolati; qual Stefano ha auto a dir per coloro me hanno referto che se i capi, fusseno più vigorosi, over si havesseno fato più obedir, lui à opinion che non haria perito. Io qui mi atrovo per tempi, per andar a Famagosta, dove, trovando legname de dentro da potermi imbraszolar et cussi qualche cadena di fermar di sotto questa coverta et qualche fin da ben poter amorsar da potermi meter tra la ver-

14 zene el paramozal, trovando diti legni, con lo ajuto di Dio la farò forte, et poi, quando per consulto de questi magnifici rectori se delibererà, tanto exequirò, de continuo pregando l'Onnipotente Dio fazi ch'io faza cosa sia agrata a la Serenità Vostra, a la qual de continuo *humiliter* mi aricomando.

Data in le Saline di Cypro, a dì 2 Zener 1516.

*Exemplum.*

† 1516, a dì 29 Marzo.

Copia

15 Domandadi, per i magnifici signori a l'Arsenal, el sotoscrito ammirajo et protti de la caxa zercha le